



件

共九

大藏一覽集卷第七


0931	貴	年
23	重	月
7	書	日
佛教大学蔵書		
第	82700	号





82700

大藏一覽集卷第七



寧德優婆塞陳寶謹編

第六門。欲超三界輪回是假三乘修證凡六品有一百五十三則

四衆品第四十二 入道品第四十三

聲聞品第四十四 緣覺品第四十五

菩薩品第四十六 等覺品第四十七

四衆品第四十二

在家一衆優婆塞優婆夷○附八部并外出家一衆比丘僧比丘尼○道五十八則

○塵勞迫迓猶牢獄○法門寬廓若虛空

要集舉涅槃云在家迫迓猶如牢獄一切煩惱因

之而生出家寬廓猶如虛空一切善法因之增長

帳字函  
第四卷

法苑舉婆沙云於此家中父母兄弟妻

子眷屬車馬等物唯增貪求無有厭足家是難滿  
如海吞流家是無足如火焚薪家是無息覺觀相  
續家是苦性如冤誅親家是障礙能妨聖道家是  
闖亂共相違諍家是多瞋呵責好醜家是無常雖  
久失壞家是衆苦馳求守護家是顛倒貪著假名  
家是伎人種種妄飾家是變異貪心離散家是假  
借無有實事家如眼夢富貴則失家如朝露須臾  
變滅家如蜜滴其味甚少家如棘藜欲刺傷人如

是等患不可具載是故在家菩薩當如是觀知其  
家過妻子眷屬一切財物不能作救作歸非我善

友宜當捨之

書字函  
第二卷

○一朝暫掛福田衣○多劫不經諸苦趣

要集舉大緣經云以一日夜出家故二十劫不墮

三惡道出家偈曰 流轉三界中恩愛不能脫棄

恩入無爲真實報恩者

帳字函  
第四卷

○四十二章經云

佛言除髮爲沙門受道法去世資財乞求取足日

中一食樹下一宿

辭字函  
第七卷

○要覽舉五德福田經

云一者發心出家懷佩道故二毀其形好應法服

故三委弃身命遵崇道故四求親愛無適莫故  
五志求大乘為度人故三千威儀經云出家人所作  
務業一者坐禪二者誦經三者勸化眾事若具足  
作三業者是應出家人法若不行者徒生徒死唯  
有受罪之因盤字函十七卷

○若乃為僧若受戒。不事神天不拜親  
要覽舉梵網經云出家人法不合禮拜 國王父  
母六親亦不敬事鬼神 又順正理論云諸天神  
眾不敢希求受五戒者禮如 國君至尊亦不求  
比丘禮拜懼損福德及壽命故帳字函第二卷。要覽云

父母返拜者以其出世而為禮抑又拜其法服戒  
體故也本起經云父王淨飯禮佛足者又摩耶經  
云摩耶佛母長跪佛前五體投地而說偈言稽首頭面  
禮無上大法王

○能受出家并勸首。超於造塔與餘功  
出家功德經云佛說自出家受人出家勸人出家  
所得功德勝布施等一切功德以諸功德中此功  
德為上 又云若放男女奴婢人民出家功德無  
量 又如起七寶塔高至三十三天不如出家切

德盤字

○愛道出家初不聽○阿難再請乃方容

大愛道白佛我聞女人精進可得沙門四道願得  
受佛法律佛言且止無樂去聲以母人入我法中服  
我法衣者當盡壽命清淨潔已究暢梵行無邪念  
心空寂爲樂時大愛道即復哀求願佛見度如是  
至三佛不聽之退於門外淚出如雨自悔惡態有  
八十四迷亂丈夫使失道德天下男子無不爲女  
人所惑者佛知深諦故不度爾阿難即爲白佛我  
從佛聞母入精進可得沙門四道今大愛道居家  
有信曉知無常自審欲態深知已諦今發出家願

佛許之佛言止止所以者何必危清高之士故譬  
如旌姓之家生子多女少男者當知其家欲微不  
盛今使母人入我法律必令佛法清淨梵行不得  
久住佛言阿難是大愛道多有善意於我有大恩  
我生七日母亡育我我今成佛念彼恩重假使母  
人作沙門者有八敬法當盡形持一者比丘持大  
戒母人比丘尼當從受正法不得輕慢調戲故二  
者比丘持大戒半月以上比丘尼當禮事之無亂  
新學之意三者比丘比丘尼不得並居同止四者  
自相檢校若有邪語受而不報聞若不聞見若不

見五者自省過惡不得高聲大語現其欲慾六者  
得問比丘經律之事不得共說世間不急之事七  
者若犯法律當於半月詣衆懺悔八者比丘尼雖  
百歲持大戒當處新受大戒比丘下坐謙敬作禮  
是八敬法盡壽行之聽為沙門

○吾佛正法千年久○尼母為徒減半長

又云佛之正法當住千歲興盛流布廣度一切今  
以女人為沙門故減五百歲法稍衰微所以者何  
女人有五處不得作沙門何等五處不得作佛不  
得作轉輪王不得作梵天王不得作天帝釋不得

作魔王如是五處丈夫得作復次女人譬若毒

虵人雖殺之是虵已死復有人見心中驚怖如此

女人雖作沙門惡露故存一切男子為之回轉令

不得道奉字函第一卷○毗尼母經云女人不出家者佛

之正法應住千年今減五百年一百年中得堅固

解脫一百年中得堅固定一百年中得堅固持戒

一百年中得堅固多聞一百年中得堅固布施百

歲中有解○猶字函  
堅固法○第三卷

○女雖五礙知本空○佛記多生成正覺

超日明經下云有慧施等五百女白佛我今女身

願發無上道意欲轉女像成男覺度脫十方時  
上度比丘謂慧施曰不可以女身得成佛道所以  
者何女有三事隔五事礙何謂三少制父母出嫁  
制夫不得自由長大難子是為三何謂五礙一曰  
女人不得作天帝釋所以者何勇猛少殺乃得為  
男雜惡多態故為女人不得作天帝釋二曰不得  
作梵天所以者何奉清淨行無有垢汗修四等心  
若遵四禪乃升梵天嬉恣無節故為女人不得作  
梵天三曰不得作魔天所以者何十善具足尊敬  
三寶孝奉二親乃得魔天輕慢不順毀失正教故

為女人不得作魔天四曰不得作轉輪王所以者  
何行菩薩道慈愍群萌乃得作輪王無有淨行故  
為女人不得作聖帝五曰不得作佛所以者何行  
菩薩心愆念一切解無我人乃得成佛而著色欲  
身口意業故為女人不得作佛特慧施女報上度  
曰各植諸本用獲果實本有男女及報應耶本有  
五趣釋梵輪玉小道大道乎上度答曰無也上無  
造者何所成立以是之故吾取佛者有何難乎取  
無所取成無所成覺無所覺無取無捨乃號為佛  
亦無名號假有字耳佛言善哉誠如所云一切無

隨行而成不散不興不衰見無聞無念無  
知無言無說乃成正覺於時慧施及五百女當如  
所願轉成男身佛受彼快却後十劫作佛名慧見  
如來世界曰除冥劫曰光明

周字函

○本無女相如何轉○豈是女流當是觀  
維摩結經云室中有一天女說法舍利弗言汝何  
不轉女身天曰我從十二年來求女人相了不可  
得當何所轉譬如幻師化作幻女若有人問何以  
不轉女身是人為正問不舍利弗言不也幻無定  
相當何所轉天曰一切諸法亦復如是無有定相

云何乃問不轉女身

竹字函

○寶積經云阿闍世

王女名無畏德與諸大聲聞辯論皆不能及爾時  
舍利弗白佛此女奇哉佛言此女已於過去九十  
億佛發菩提心舍利弗言能轉女身不耶佛言汝  
見彼女豈是女耶汝今不應作如是見何以故少  
是菩薩發願力故示現女身為度衆生於是無畏  
德作是誓言若一切法非男非女令我今者現丈  
夫身說此語已即滅女身現丈夫身佛為受記復  
過七千阿僧祇得成正覺號曰離垢如垢如來世  
界名曰光明

制字函  
第九卷



○不知佛性成男女○識得家珍女即男

涅槃經云善男子善女人等聽是大涅槃經常應呵責女人之相求於男子何以故是大乘經典有丈夫相所謂佛性若人不知是佛性者則無男相所以者何以是男子不能自知有佛性故我說是等名爲女人若有女人能知自身定有佛性我說是等即爲男子

彌字函第九卷

○沙門故以道為號○長老良由德乃稱

要覽舉寶積云沙門者寂滅故調伏故受教故身淨故如實義故得解脫故離世八法故堅心不動

如地故護彼我意故於諸形相無染著如空中動手無所礙故成就多法故名沙門又婆耆尊者偈曰若能反本源乃名曰沙門○梵語比丘秦言乞士謂上於諸佛乞法資益慧命下於施主乞食資益色身涅槃云能破煩惱故名比丘○梵語菴菴乃西天之草名能具五德一體性柔軟喻出家人能折伏身語麁獷故二引蔓旁布喻出家人傳法度人連延不絕故三馨香遠聞喻出家人戒德芬馥故四能療疼痛喻出家人斷煩惱毒故五不背日光喻出家人常向佛日故○梵語具云僧伽唐

言衆今略稱僧以和合故有其六義一戒和同修  
二見和同解三身和同住四利和同均五口和無  
諍六意和同悅以和爲上亦云和上。梵語闍梨  
唐言軌範。大莊嚴經云長者不在髮白面皺  
所貴能修福德滅去衆惡淨修梵行是名長老

函第一卷

○念他粒飯非容易。付已無功作麼當  
要覽引教云佛弟子受食時先誦五觀去聲端想自  
警然後方食一計工多少量彼來處智度云此食  
磨淘汰炊煮及服用工甚多一鉢之飯作夫流汗  
食少汗多僧祇律云慈主減其妻子之分求福故

施 二付已德行全缺應供毗尼母云若不坐禪誦  
經營三寶事及不持戒

受人信施爲施所墮 三防心離過貧等爲宗明了  
缺則不宜全則回也

云出家先須防心三過謂於上味食起貪下味  
食起瞋中味食起癡以此不知慚愧墮三惡道 四

正事良藥爲療形枯形枯者即飢渴爲主病四白  
四病爲客病故須以食爲醫

藥用扶持之若食藥用扶持之若食  
粥可云不正良藥 五爲成道業應受此食不食成  
病道業

何從增一偈云多食致苦患少食  
氣力衰處中而食者如秤無高下 ○欲食時非特  
入第二卷十  
善品可參照

○有德萬金何足道。不求四事自然隨

永嘉云不思議解脫力妙用恒沙也無極四事供  
養敦辭勞萬兩黃金亦消得粉骨碎身未足酬一

向了然超百億。○宗鏡云若學大乘佛法者受施主搏食如須彌山受施主衣可敷大地如不學者若未墮僧數十方無唾地處。駕字函第四卷

○苟若度人未度。○不獨沉他和我沉。

智度云行者先求自度然後度人若未能自度而欲度人者如不知浮人欲救於溺相與俱沒。

○休求師者長中短。○但取泥龍假上真。

又云汝於法師莫念其短常生敬畏法師好惡非是我事我所求者唯欲闡法以自利益如泥像求像無實功德因發佛想故得無量福德。立字函第九卷

德云供養泥龍必有真龍降雨供養凡僧必有真僧降福。立字函第九卷

○比丘聽與二親供。○分衛宜知五處遮。

五分律云陵伽婆蹉比丘父母貧窮欲以衣物供養而不敢也以是白佛佛告諸比丘若人百年之中右肩擔父左肩擔母於上大小便利極世珍奇衣服供養猶不能報須臾之恩從今聽諸比丘盡心盡壽供養父母若不供養得重罪。上字函第十卷○要覽舉善見律云分衛此云乞食。○僧祇云乞食分施僧尼衛護今修道業故云分衛。○根本毗奈耶

云佛說比丘乞食俱遊五處一唱令家二媼女家  
三酤酒家四旃荼羅家五王家

○多事苦求無厭足○諸禽因以亦相離

僧祇律云佛告營事比丘汝莫復為房舍惱亂世  
人錢財難得布施亦難過夫世時有跋耆比丘止  
住林中時有釋軍多鳥亦集此林晨夕鳴亂惱彼  
比丘不得入定佛告比丘欲令此鳥不來耶答言  
願爾佛告比丘汝於日暮衆鳥歸時各乞一毛晨  
朝去時亦如是乞比丘依教早晚就乞各惠一毛  
爾時衆鳥作是念言今此沙門常乞恐我等不久

毛衣都盡不能復飛當如之何即別求搏佛告比  
丘鳥獸尚惡多求況復世人汝等比丘莫為勞事  
多欲多求令彼信心居士苦捨財物

優字  
第六卷

○僧癡俗悻俱無識○生惱成冤自取殃

法苑舉大集云有育龍女而白佛言我於因地曾  
作農夫有一比丘來從我乞求五十錢我時報言  
聽待穀熟當與汝食比丘復言願乞十文我於爾  
時瞋彼比丘乃至十文亦不相與時彼比丘心生  
懊惱然我後時因往寺林盜取十菴羅果食之彼  
業因緣地獄受苦惡業未盡作餓龍身常為諸

食噉膿血苦惱又彼比丘以瞋忿心惡業緣故作  
小毒龍生我腋下蓄於我血不可堪忍投佛解脫  
佛爲說法小龍即出同白佛言久近脫此佛告龍  
言此業大重次五無間何以故若四方常住僧物  
或現前僧物篤信施物或華果樹園飲食湯藥牀  
辱敷具一切所須私自費用持乞親知此罪重於  
阿鼻果報漆字函 第六卷

○無欲分上恚瞋風○清冷雲中霹靂火  
遺教經云白衣受欲非行道入無法自制瞋猶可  
恕出家行道無欲之人而懷瞋恚甚不可也譬如

清冷雲中而霹靂起火非所應也堂字函

○持戒辛菜尤成厭○在道邪偷豈可爲附不持 遺等

楞嚴經云是諸惡生求二摩提謂葱韭 蒜薤

熟食發媯生啖增恚是食辛人縱能宣說十二部

經十方大仙嫌其臭穢咸皆遠離福德日銷魔爲

眷屬○復告阿難汝修三昧本出塵勞媯心不除

塵不可出縱有禪智必落魔道上品魔王中品魔

民下品魔女此是先佛第一決定明誨若不斷媯

修禪定者如蒸砂石欲其成飯經百千劫終不能

得復次殺心不除塵不可出縱有禪智必落神道

上品爲大力鬼中品飛行夜叉下品地行羅刹是  
佛第二決定明誨若不斷殺修禪定者譬如有人  
自塞其耳高聲大叫求人不得復次偷心不除塵  
不可出縱有禪智必落邪道上品精靈中品妖魅  
下品邪人是佛第三決定明誨若不斷偷修禪定  
者譬如有人水灌漏卮欲求其滿終無中復阿難  
如是衆生雖則身心無殺盜婬三行已圓若人妄  
語未得謂得未證謂證言我已得聲聞菩薩求彼  
禮懺貪其供養佛記是人求殞善根沈三苦海我  
滅度後勅菩薩等應身未出世度諸輪轉或作沙門

白衣居士人王宰官婦女寡婦新偷屠販與其同  
事稱讚佛乘令其身心入三摩地終不自言我真  
菩薩真阿羅漢卅佛密因唯除命終陰有遺付是  
佛第四決定明誨若不斷大妄語者如刻人糞爲  
栴檀形欲求香氣無有是處陳字韻第六卷。如金剛經  
云如來是真語者實語者如語者不誑語者不異  
語者。如楞嚴經云比丘不蹋生草況以手拔云  
何大悲取諸衆生血肉充食。如正法念經云若  
見道邊遺落之物唱是誰者若有人言此是我物  
問其相實乃還若衆人認七日持行唱之又無主

認懸高顯處令人見之若言他物問何處失相應者與終無識者傳至三月若塔園中得即作塔用僧園中得四方僧用極字函十四卷○如戒品經云菩薩當淨法與人況起人媼後四則對治前之妄毀盜媼也

○眠狂入定遭行深○初中後樂罪何逃摩訶僧祇律云若比丘尼共三種媼人與非人畜生復有三種若覺若眠若死皆波羅夷罪比丘尼若眠若心狂若入定有人就上行媼比丘尼覺若初中後受樂者波羅夷罪若眠狂定被媼覺已初不受樂中後樂者若初中不樂於後樂者皆波羅

夷若初中後俱不受樂無罪云何受樂不受樂者譬如人飢得種種美食彼以食為樂受欲樂者亦復如是不受樂者譬如好淨之人以種種尸繫其頸上不受樂者亦復如是攝字函第六卷

○狂病行欲那為犯○散亂無心亦復然五分律云有一比丘狂病行媼狂差生疑問佛佛言狂者不犯若散亂心病壞心亦如是和字函第八卷

○常住護持猶眼目○衷私軌取失人身要集問云何故盜用僧物罪徧重耶答曰施主本捨一毫一粒擬供十方鼓鐘一響遐邇同聞聖凡

受用俱成道業冥資施主得益無邊招善既多獲  
罪寧少今具愚癡衆生苟貪福物將用資身或食  
噉僧食或受用華菓或以僧畜乘騎或將僧奴隨  
逐或私借貸僧物不還或以官勢伺求僧過如是  
等損具列難盡靜思此咎豈不痛心今護不與者  
非是慳惜不惠蓋啟白衣慮受來苦若將與者非  
直損俗亦及知事未來生處同受其殃○又舉寶  
印經云佛法二物不得互用由無與佛法物作主  
復無可諮白不同僧物常住招提互有所諮若用  
僧物修治佛塔者依法取僧和合得用不和合者

勸俗人修若佛塔有物乃至一錢已上以施主重  
心故捨諸天及人於此物中應生佛想塔想乃至  
風吹爛壞不得貨寶供養以如來塔物無人作價  
也○罪福可疑經云或施主本擬作釋迦改作彌  
陀本作大品改充涅槃本作僧房改供僧食本施  
二衆改入一衆本擬十方回入現前皆違反施主  
計錢多少滿五成重減五得蘭故四分律云許此  
處乃與彼處皆犯罪也准此文檢校佛像有餘彩  
色不得作菩薩聖僧等形以師徒位別故不得互  
用乃可作餘莊嚴具還將供養佛不犯若施主情



通一鋪佛像任意莊嚴通作無罪。○五百問事律云用佛彩色作鳥獸形得罪除在佛前供養不犯問曰今時齋上有佛錢未審此錢入何等用荅曰若施主本心造像只得造像不得別用檀字四卷○莊椿云盜常住一文錢一日一夜長三分七釐利第二日夜利上又長利同前三分來世作牛馬償之牛日還八文馬日還七文所以云作一生之容易為萬劫之艱難若捨一文錢入常住一日一夜長福亦爾第九

○莫謂僧財欺可取。須知閻老不相饒。

法苑舉十誦律云官吏工匠惡賊於僧有損益者

佛開知事出僧物看待並得無犯此非俗人合消

但開知事不看待者於佛僧有損壁字兩卷○僧祇

律云若比丘知僧物有應與不應與云何應與若

損者若益者云何損者有賊來寺索種種食若不

與之則起燒劫雖不應與畏作損事適多少與云

何益者若治眾僧房等泥木盡工應與前食後食

非時漿等若勤力者應與飲食具名益者應與優字

強第○此二段即畢

三卷○本經備詳

○僧離能合生天樂。○僧合令離陷獄憂。五分律云調達作是念言我既不能害佛唯當破

其和合僧耳佛語調達若僧已破能和合者其人  
生天一劫受樂若僧和合而破之者墮地獄中一  
切受苦非字韻  
第三卷  
○護僧不許加刑譴。治者從而獲罪殃  
要集舉十輪經云佛言若諸比丘依佛法出家一  
切天人阿修羅等皆應供養若護持戒不應譴罰  
閉繫則其手足乃至奪命若有破戒比丘為諸煩  
惱結使所壞猶能開示天龍人非人等無量功德  
珍寶伏藏是以依我出家若持戒若破戒我悉不  
聽輪王大臣譴罰繫閉加諸鞭杖乃至斷命況復

餘輕犯小威儀破戒比丘雖犯禁戒其戒勢力猶  
能利益無量天人譬如燒香香躰雖壞熏他令香  
破戒比丘亦復如是自墮惡道能令衆生增長善  
根以是因緣一切白衣皆當守護尊重供養不應  
輕蔑譴罰奪命佛說偈言瞿曇華雖萎勝於諸餘  
華破戒諸比丘猶勝諸外道又舉薩婆尼犍經云  
若破塔寺若取佛物若有沙門持戒破戒或繫閉  
打或令還俗或斷其命若犯如是根本重罪決墮  
地獄受無間苦以王國土行此不善諸仙聖人出  
國而去大力諸神不護其國大臣諍競水旱不調

劫賊縱橫人民飢餓疫癘疾病死亡無數不知自作而怨諸天

帳字函 第二卷

○為僧雖聽二親許。作母曾違累世貪。五分律云淨飯王聞佛已度羅睺羅出家便大懊惱。白佛言佛昔出家尚有難隨不能令我如今懊惱難隨已復出家餘情所寄唯在此子今復出家家國大計求為斷絕情何可忍王又推已而白佛言子孫之愛徹過骨髓何諾比丘誘以為道願佛從今勅諸比丘父母不聽不得出家佛為王說種種妙法示教喜利仍戒比丘從今父母不聽不得

度上字函 第七卷○老女人經云時有貧窮老女人問佛

生老病死因緣聞之開解阿難白佛是老女人何以智慧乃爾佛答是我前世發意學道時母也阿難問是母何貧乃尔佛言拘留秦佛時我欲作沙門是母慈愛不聽我去我愁一日不食由是五百世貧今者壽盡當生彌陀佛國後六十八億劫當作佛號波捷國名化華

殿字函

○捨后為尼由證果。障爺在俗罰為烏。舉雜寶藏經云昔優陀羨王有一夫人名曰有相王甚愛敬國法王者不自彈琴爾時夫人侍於王

寵遣王彈琴自起爲舞王素善相觀其夫人死相  
已現不過七日王即撫琴長嘆夫人求問王不肯  
答殷勤不已王以實告夫人愛懼即白王言我聞  
石室比丘尼說若能信心出家一日必得生天願  
王聽許王愛情重言至六日當聽汝去至六日已  
語夫人曰若得生天必來見我我乃聽去作是誓  
已便得出家受八戒齋其日命終乘是善緣得生  
天上故來見王王問何天答云王婦王命就坐天  
岑觀王真穢近但以先誓故來一見王即歎言  
彼本我婦出家一日便得生天神志高遠而見鄙

賤我今何故而不出家我曾聞說天一爪甲直闊  
浮地我此一國何足可貪捨位與子出家修道得

羅漢果

帳字函  
第四卷

○付法藏經云闇夜多尊者將諸

弟子詣德叉尸羅城慘然不悅次見一鳥欣然微  
笑弟子問之尊者答之曰我初至城見一鬼子攜  
母入城爲我求食經五百歲尚自未出飢虛不濟  
若見我母願語早來果見彼母直說子意母言入  
城七反成壞未嘗得人一唾今遇少唾欲得出城  
共子分食城門多有大力鬼神畏不敢出我即將  
他同出見子共食我聞鬼言受苦長遠是以慘然

時彼烏者過去劫中我欲出家父母不聽強為娉  
妻得子已年六歲我復欲去父母教兒抱住我脚  
啼哭而言父若捨我依誰養活先當殺兒然後可  
去由彼兒故不得出家從是九十一劫流轉五道  
未曾得見今以道眼觀見彼烏乃是前子愍其愚  
癡又處生死是以微笑若復障人出家罪報惡道  
後生人中生盲無目是故智者見人出家方便成  
就勿作留難

帳字函  
第四卷

○兒孫反謗吾家法○此輩無慚真闡提  
涅槃經云純隨問佛一闡提者其義云何佛言比

丘比丘尼優婆塞優婆夷發鹿惡言誅謗正法心  
無慚愧如是等人名為趣向一闡提道

通字函  
第十卷

○出家雖勝在家者○在家修勝出家兒

優婆塞戒經云在家之人發菩提心勝於一切辟  
支佛果出家之人發菩提心此不為難何以故在  
家之人多惡因緣所纏繞故發菩提心諸天皆大  
驚喜作如是言我今已得人天之師

剋字函  
第一卷

○身披緇服心猶俗○頭帶烏巾念乃僧  
法蘊足論云一有一類補特伽羅正信出家身參  
法侶心猶顧戀所愛諸欲是名身出家心不出家

二有一類補特伽羅雖畜妻子受用上妙衣食珍寶而於諸欲不生耽染是名身在家而心出家三有一類補特伽羅正信出家身參法侶於諸欲境心無顧戀是名身心俱能出家四有一類補特伽羅畜養妻子上妙受用深生耽染是名身心俱不出家

出家

白字函第六卷

○白佛出家何得果。今渠斷結自成功

雜阿含經云釋摩男白佛如佛所說優婆塞義在家白衣具丈夫志歸命三寶自言我是優婆塞者云何而得須陀洹果乃至阿那含耶佛言斷除身

見戒盜及疑網等三結已成須陀洹更不復受三塗之身於無上道生決定信人天七返盡諸苦際入於涅槃又問云何而得斯陀含果佛言斷三結已薄媯怒癡名斯陀含又問云何而得阿那含果佛言若斷三結及五下分成阿那含時釋摩男等五百人聞斯法已而白佛言諸在家者獲此勝利一切咸應作優婆塞

淵字函第六卷

但發修行正覺心。便是出家苾芻性無垢稱經云諸童子言我聞佛說父母不聽不得出家無垢稱言汝等童子但發無上正等覺心勤

修正行是即出家是即受具成茲葛性

白字函  
第二卷

○菩提荷易紅塵證。如來應不雪山修  
長慶注楞嚴云在家菩薩又不得錯會經旨將謂  
不勞諸佛戒法但悟無功用道也且看如來爲太  
子時須往雪山修行身心寂靜方得悟道若是在  
家作得佛者如來終不雪山去也所以如來爲汝  
衆生起箇樣子今人若捻似無垢稱龐居士則不  
勞出家其或未然也須轉身始得 第四卷

○由作二因善不善。乃爲八部人非人  
舍利弗問經云八部鬼神以何因緣生於惡道而

常聞正法佛言以二種業一以惡故生於惡道二  
以善故受於快樂又問善惡二異可得同耶佛言  
亦可得耳。天神者先以車輦舍宅飲食供養三  
寶父母賢勝之人猶懷慳嫉故。虛空龍神者修  
德行檀不依正念急性好瞋故。夜叉神者好大  
布施或先損害後加饒益隨功勝負故在天上空  
中地下。乾闥婆者好施有瞋獻伎樂故。阿修  
羅神者志強喜施不隨善友所作淨福好逐幻偽  
作諸邪福故。迦婁羅神者先修大捨高心凌物  
故。緊那羅神者昔好勸人發菩提心系正其志

逐諸邪行故。摩睺羅伽神者布施護法性好瞋  
恚故如是皆由依附邪師以邪亂正俱謂是道以  
自建立受通  
入卷○外道妄立從茲始。調達仇酬自爾端  
央掘魔羅經云佛告文殊世間建立外道因緣往  
劫有佛名拘孫陀跋陀羅出世無外道名唯一大  
乘法欲滅時有一比丘名曰佛慧時有善人施無  
價衣獵師見之生劫盜心夜將比丘至深山中壞  
身裸形懸手繫樹有採華婆羅門見彼比丘先著  
袈裟而今裸形必知袈裟非解脫因自懸苦行是

真學道彼人即捨衣拔髮作裸形沙門從爾而起  
爾時比丘自得解縛即取樹皮赤石塗染以自鄣  
蔽結草作拂用拂蚊蚋又有婆羅門見已念言是  
比丘捨先好衣著如是衣捉如是拂當知是解脫  
道即學彼法出家婆羅門從是而起時彼比丘暮  
入水浴因洗頭瘡即取水衣以覆瘡上取牧牛人  
所弃弊衣以覆其身時有樵者見已念言是比丘  
先著袈裟而今悉捨必知袈裟非解脫因被髮弊  
衣日夜三浴修習苦行當知是解脫道即學彼法  
苦行婆羅門從是而起比丘浴已身體多瘡蠅蜂



啜食即以白灰處處塗瘡水衣覆身時有見者謂  
言是道即學彼法灰塗婆羅門從是而起時彼比  
丘然火灸瘡瘡轉苦痛不能堪忍投岩自害時有  
見者作是念言是比丘先著好衣今乃如是當知  
然火投岩是解脫道投岩事火從是而起如是九  
十六種皆因是比丘種種形類起諸妄想各自生  
見猶如鹿渴於炎水想追逐之死正法滅時因彼  
比丘非法法想亦復如是量字兩第四卷○宗鏡云外道  
派出枝流至佛出時有六大師謂富蘭那迦葉姓  
也計不生不滅末伽梨拘賒梨子計衆生苦樂無

有因緣自然而爾刪闍夜毗羅胝子計衆生特熟  
得道八万劫苦盡自解脫阿耨耨耨耨耨耨耨耨  
衣也計罪報之苦以投岩拔髮代之迦羅鳩馱迦  
旃延計亦有亦無犍陀若提子計業所作定不可  
改犢子計色是我離色有我色中有我我中有色  
合二十身見駕字函第六卷○華嚴會上第二十一位知  
識遍行外道告善財言闍浮提內九十六衆各起  
異見而生執著我悉於中方便調伏令其捨離所  
有諸見乃至普及十方世界悉亦如是首字函第七卷○  
經律異相云諸比丘啓佛調達有何重嫌懷結乃

爾佛云不但今生世世如是往世有梵志女端正  
殊妙諸梵志法凡欲處女與明經者請諸同學五  
百之衆供養三月察其所知時五百中一人博達  
而年朽耄面醜眼青父母憂愁女亦懷恟於時遠  
方有一梵志少俊姝好聞彼欲處於女尋往難問  
五百梵志皆窮無詞父母與女喜納爲婿年尊梵  
志曰傷我年高勿奪其婦但我所得施遺之物悉  
回與卿年少答曰不可越法以從人情我應納之  
其年老者心懷毒惡即相毀辱世世所在與卿作  
冤佛告諸比丘爾時老梵志今調達是少梵志我

是女瞿夷是。又云昔有比丘調達聰明廣學十  
二年中坐禪入定復意轉退漸生惡念著世利養  
至世尊所禮足白言願說神足之道佛告神足且  
置何不學四非常義調達次往舍利弗及目連所  
求神足道亦皆語曰止止始行之人先學四非常  
復修四禪乃得神足道耳調達怒不見教問弟阿  
難乃與說之調達聞已專心一意以鹿入微復從  
微起還至於鹿以心舉身以身舉心身心俱合漸  
漸離地初如胡麻轉如胡桃漸離地際從地至床  
從床至屋從屋至空在虛空中作十八變漏沒自

由化作嬰兒在阿闍世太子膝上作諸變化日給  
五百盜食特諸比丘以此白佛佛答汝等勿貪調  
達供養調達自陷亦陷他人二俱墮罪如芭蕉樹  
愚人求實不能剋獲

舍字函  
第一卷

○調達害佛而反傷○暴志加佛而自敗  
舉法句經云調達與阿闍世王共議毀佛即勅國  
人不得奉佛調達白王明日請佛入城飲五百象  
醉令蹋殺之吾當作佛教化世間王往請佛佛知  
其謀答言大善明日食時佛領衆入城是時醉象  
擔揆牆壁折敗樹木一城戰慄象齊趣佛佛舉五

指爲五師子同聲俱吼震動天地醉象伏地垂淚  
悔過王及臣民莫不驚肅王白佛言稟性不明信  
彼讒言興逆造惡願垂大慈佛告王民世有八事  
興長誅謗皆由名譽以致大罪何等爲八利衰毀  
譽譏稱苦樂自古及今勢不爲感同上 舉出生  
經云佛遊舍衛國波斯匿王請佛及僧有比丘尼  
名曰暴志木魁繫腹猶似懷妊乃牽佛衣汝爲我  
夫從得有娠不給衣食天人四衆莫不驚惶三界  
之尊降伏諸邪明超日月不可汗染時天帝釋化  
作一鼠齧彼魁繩墮地衆會觀之瞋虐交集怪其

所以王瞋此尼謗於大聖掘地倒埋佛諭勿爾是  
吾宿罪過去世時有客賣珠大而且明一女就買  
欲成有一男子倍價爭之女復從求畢竟不與心  
懷瞋恨願我在在所生當報汝冤時男子則我是  
女者暴志是此自往緣非特今也同上卷

○調達雖逆陷泥犁。如來復讚為知識

智度論云提婆達多調達種種變態動王子心立  
大精舍得大供養而徒衆尠少提婆達多自念我  
有三十相減佛未幾真以弟子未集若大眾圍遶  
與佛何異如是思惟生心破僧得五百弟子後舍

利弗說法教化僧還和合提婆達多便生惡心推  
山壓佛金剛力士以杵遙擲碎石迸來傷佛足指  
華色比丘尼呵之復拳於尼尼即眼出而死作三  
逆罪復與邪師富蘭那外道等為親厚斷諸善根  
復以惡毒著指執中欲因禮拜以中傷佛往而未  
到於王舍城地自然裂火車來迎生入地獄德字  
卷四大乘十法經云淨無垢妙淨寶月王光菩薩  
白佛言云何可取提婆達多是善知識復是如來  
久遠親近是怨家者佛告善男子若無提婆達多  
善知識者不顯如來諸佛功德服字函

○波旬幾處作威來。伎倆盡時歸向去。

因果經云菩薩將成道時魔王恐諸衆生皆歸空我境界持箭來射菩薩不動箭化成花復令三女供給以亂定意菩薩不納三女忽然咸變陋形不能自復魔王前白菩薩汝若不樂人間受樂我捨天位及五欲具悉持與汝菩薩答言汝於先世修少施因今故得爲自在天王此福有期要還下生沉溺三塗非我所須我昔曾以頭目髓腦國城妻子而用布施不可稱計求無上道汝今不應惱亂於我魔王慙怖還宮

藏字函  
第二卷

月藏經云佛在六

集會上說法魔王波旬亦作神變復無能爲即說

偈曰 我今歸依佛世尊從是終不起惡心瞿曇

心定容恕我我當守護佛正法

陶字函  
第二卷

婆沙論

問何故名魔答曰斷慧命故名魔復次常行放逸

害自身故名魔

魔秦  
言殺

何故名波旬答曰常有惡意

成就惡法故名波旬

波旬秦  
言惡也

規字函  
第二卷

入道品第四十三 十則

○分別善根三等異。良由種子爾多差

婆沙論云善根有三種一福分善根二解脫分善根三達分善根福分者能作人天種子若在人中

生蒙貴家作輪王等若在天中作帝釋魔王梵王  
等解脫分者能作解脫種子決定不退因必至涅槃  
樂達分者謂煖法至世第一法分字函第五卷

○創能一植解脫因。極速三生方入道

順正理論云諸有創植順解脫分極速三生方得  
解脫謂初生植順解脫分次生成熟第三生起順  
決擇分即入聖道雅字函第一卷

○隨信行人從聞入。隨法行人乃慧修

毗婆沙論云若信他言入聖道者名堅信若自思  
惟入聖道者名堅法以定入聖道者名堅信以慧

入聖道者名堅法

規字函第二卷

毗曇心論云隨信行

非利是信他法得行義也隨法行利根是智慧不  
信於他義也未離欲果欲趣向於初果名向須陀

洹果

鄒字函第三卷

婆沙論云隨信隨法行人超越異

生地未得頽流果問何故名異生地答一切聖者

皆名同生此異於彼故名異生

離字函第五卷

○少善為何能解脫。一心回向證菩提

婆沙云有人以一搏食施能種解脫分善根至有  
能作般遮于瑟此云五年大會也而不能種解脫分善根  
或有持一日齋能種解脫分善根至有終身持戒

而不能種解脫分善根或有誦持一偈能種解脫分善根至有善通三藏文義而不能種解脫分善根何以故若以此事回向解脫涅槃永離生死有如是勇猛心者是則能種解脫善根若不如是回向雖多布施終身持戒廣學多聞而不能種解脫善根有近有遠近者前生中種此身成熟來身解脫遠者曾種經那由他世受身而不能生達分善根聲聞所得解脫分善根可回向趣辟支佛辟支佛所得解脫分善根亦可回向趣佛分字函第五卷

○戒定慧初離縛結。聞思修後觀門開。

解脫道論云戒定慧謂解脫道戒者威儀義定者不亂義慧者知覺義解脫者離縛義復次戒除惡業垢定除纏垢惠除使垢又以三種善伏道謂初中後善以戒為初以定為中以惠為後云何戒為初善者有精進人成就不退以不退故喜以喜故踊躍以踊躍故身倚以身倚故樂以樂故心定此謂初善定為中善者以定如實知見惠為後善者已如實知見厭患以厭患故離欲以離欲故解脫又以戒除惡趣以定除欲界以慧除一切有背字

卷一 ○發菩提心論云修習禪觀由三法坐謂聞思

修慧云何聞慧如所聞法心常愛樂無有厭足云  
何思惠思念觀察一切有為法如實相謂無常苦  
空無我不淨念念生滅不久敗壞即生厭離趣佛  
智惠云何修慧謂離欲不善法漸次收入命字爾

○一貫顯宗之全章○備見豎修之有序

自此入修不淨息念二觀漸起爰  
項悉世第一法四種加行之功也

顯宗論云已先安住清淨尸羅及聞思修將趣見  
諦由何門入於是即說頌曰 入修要二門

不淨觀息念 貪尋增上者 如次第應修

論曰修行多種依二門入一不淨觀二持息念且

不淨觀治貪息念治尋先辯不淨觀相頌曰

為通治四貪 且辯觀骨鎖 廣至海復略

名初習業位 除足至頭半 名為已熟修

繫心在眉間 名起作意位

論曰修不淨觀正為治貪略有四種一顯色貪二  
形色貪三妙觸貪四供奉貪對治四貪依二思擇  
一觀內尸二觀外尸利根者先於內身皮為邊際  
足上頂下周徧觀察令心厭患若鈍根者煩惱猛  
利難可摧伏藉外緣力方能制治故先明了觀察  
外尸漸令自心煩惱摧伏謂彼初觀外尸時先起



慈心往施身處觀外尸相以况內身彼相既然此  
應亦爾應修八想伏治四貪爲治顯色貪故修青  
瘀想及黑赤想爲治形色貪故修被食想及分離  
想爲治妙觸貪故修破壞想及骸骨想爲治供奉  
貪故修胖脹想及膿爛想惟緣骨鎖修不淨觀通  
能伏治如是四貪約所修行說有三位一初習業  
二已熟修三起作意且修不淨觀時應先繫心於  
自身分或於足指或於眉間或鼻頰中隨所樂處  
專注不移最初繫心假想自身足指等處下至能  
見錢薑白骨由勝解力漸廣漸增乃至具見全身

骨鎖觀行未成但由想力觀行成已便由慧力此  
位未成故由想轉見全身已復方便入緣外白骨  
不淨觀門謂爲漸令勝解增故觀外骨鎖在已身  
邊漸徧一牀一房一寺一園一里一邑一園乃至  
徧地以海爲邊於其中間骨鎖充滿於所廣事漸  
略而觀乃至惟觀自身骨鎖齊此漸略不淨觀成  
名初習業位爲令略觀勝解漸增於自骨中復除  
足骨漸次上至除頭半骨思惟半骨繫心而住齊  
此轉略不淨觀成名已熟修位爲令略觀勝解自  
在除半頭骨繫心眉間專注一緣湛然而住齊此

極略不淨觀成名超作意位應知至此不淨觀成  
以無貪為性諸所應為皆究竟故次辯持息念者  
頌曰  
緣風依故身

二得實外無

有六謂數等

論曰阿那者謂持息入是引外風令入身義阿波  
那者謂持息出是引內風令出身義又說阿那者  
能持來阿波那者能持去出入息念能持身風謂  
胎卵位先於膺處業生風起穿身成穴如藕根莖  
最初有風來入身內乘茲口鼻餘風續入此初及  
後名入息風內續風出名出息風如鍛金師開橐

囊口自然風入入已按之其風還出風性法爾實  
無入出如是因顯風義正明二息持息念故定慧  
得成此念所依惟通五地謂依欲界靜慮中間及  
初二三靜慮近分由此但與捨根相應為對治尋  
修此念具有其六一數二隨三止四觀五轉六淨  
且數謂繫心數入出息從一至十不減不增恐心  
於境極聚散故中有三失一數減失二數增失三  
雜亂失復有三失一太緩失二太急失三散亂失  
苦十中間心散亂者復應從一次第數之終而復  
始乃至得定九數息時應先數入以初生位入息

在先乃至死時出息最後如是覺察死生位故於  
非常想漸能修習隨謂繫心隨入出息念入出息  
為短為長為遠至何復還旋返隨彼息入行至喉  
心膺體解膝脛腓足指念恒隨逐止謂繫念惟在  
鼻端或在眉間乃至足指隨所樂處安止其心觀  
息住身如珠中縷觀謂觀察此息風已兼觀息俱  
大種造色及依色住心及心所具觀五蘊以為境  
界轉為移轉緣息風覺安置後後勝善根中謂念  
住為初至世第一法淨謂昇進八見道等為後名  
轉盡智等方名淨息相

自字函  
第九卷

修入二門心得定

已復何所修頌曰

依已修成止 為觀修念住 以自相共相  
觀身受心法

論曰已修成止以為所依為觀速成修四念住以  
自相共相觀身受心法謂修觀者專心一趣分別  
此法與所餘法有差別義名觀自相分別此法與  
所餘法無差別義名觀共相復次觀自相者謂觀  
察身諸處別相觀共相者謂觀諸處同是身相如  
是觀身不淨治於不淨謂淨顛倒觀受是苦能治  
於苦謂樂顛倒觀心非常能治非常謂常顛倒觀

法非我能治非我謂我顛倒如人已觀糞體不淨亦不欣樂從糞所生是故已觀身體不淨於五取蘊皆不欣樂便能惣伏後三念住如是能順决擇思所成攝善根說已即修所成生何善根而證頌曰

從此生煖法 具觀四聖諦 修十六行相

項第一亦然

論曰從修所成順决擇分初善根起名為煖法是惣緣共相法念住差別如是所修能燒煩惱薪聖道火前相如鑽火位初煖相生能具觀察四聖諦

境由此具修十六行相觀苦聖諦修四行相一非

常若有深無二苦隨逐相續三空觀察本無四非

我不自在故觀集聖諦修四行相一因生相似果

二集能生流轉三生能牽生死四緣能相和合觀

滅聖諦修四行相一滅生死相健二靜離煩惱火

三妙勝一切法四離能捨生死觀道聖諦修四行

相一道能至非品二如不顛不倒三行聖足所履

四出求超生死○注文參用是故行者修此煖已

次起頂法猶如山頂人不久住若無諸難必過此山至於彼山若遇諸難即便退還若無諸難必到

於忍既入忍位於四諦境極堪忍故次起世第一  
法世中勝故如是觀四諦境惣修十六行相漸近  
見諦緣欲苦諦修一行相惟一刹那謂無間入離  
生位決定無相續理從斯後邊復生何道即說頌  
曰  
世第一無間  
即緣欲界苦 生無漏法忍 忍次生法智  
次緣餘界苦 生類忍類智 緣集滅道諦  
各生四亦然 如是十六心 名聖諦現觀  
論曰從世第一善根無間即緣欲界苦聖諦境而  
生無漏法忍生此忍故名爲法智謂所苦法無始  
時來身見所迷

執我我所今剗見彼忍可現前如緣欲界苦聖諦  
名苦法忍此能引後苦法智生境有苦法忍苦法智生如是復於法智無間惣緣  
餘界苦聖諦境有類忍生名爲類忍此忍無間即  
緣此境有類智生名爲類智最初證知諸法真理  
故名法智此後境智  
與前相似故得類名  
是後隨前而證境義如緣苦諦欲界及餘生法類  
忍法類智四緣餘三諦各四亦然即緣一一有四  
心義如是次第有十六心捨說名爲聖諦現觀以  
於三界四聖諦境次第現前如實觀故是名現觀

同字函  
第十卷

聲聞品第四十四 四十二則

第七

第六

○自利修持心狡劣。由他開悟聲聞乘

華嚴云上品十善以智慧修習心狹劣故怖三界

故闕大悲故從他聞聲而解了故聲聞乘

○四向四果解脫僧。有學無學賢聖輩

達磨論下云四果中間所有諸道及前見道名為

四向隨在彼果前即名彼果向如是有八補特伽

羅補特伽羅世云數取趣謂數數往來生死也謂行四向及住四果東字

○般若經云斷三結名預流果三結者一身見

戒禁中謂執持狗牛等戒為生天因三疑謂不了諦薄貪瞋癡名一來果於

無著是名貪薄於乞者生慈是名癡薄斷順下分五結

永盡名不還果五結者一身見二戒禁取斷順上

分五結永盡名阿羅漢果上五結者一色變謂色

果愛三無明謂心不了四掉謂心躁動力慢謂心自高令所有集法皆成滅

法名獨覺菩提永斷一切習氣相續名無上菩提

為字函○婆沙論云學人者須陀洹斯陀舍阿那

第三舍無學人者阿羅漢仁字函○顯宗論云

何名有學謂學意未滿故學何名無學謂阿羅漢

諸自利行修學已成惟應作他利益事故復次

盡智未生前七聖者皆名有學盡智已生便成無

學阿羅漢廢字函第二卷

○初二三結雖難解。○九十八使尚應除  
婆沙論云順下分結下有二種謂界下有情下由  
初二結過患重故不超欲界由後三結過患重故  
不越異生乃立此五為下分結初之二結猶如獄  
卒後之三結如防邏者如有罪人禁在牢獄有二  
獄卒恒守御之不令輒出復有三人常為防邏彼  
人設以親友財力傷害獄卒走出三防邏者還執  
將來閉置牢獄牢獄即喻欲界罪人即喻異生二  
獄卒者喻初二結三防邏人喻後三結若有異生  
以不淨觀傷害貪欲復以慈觀害於瞋恚離欲乃

至無所有處生初靜慮乃至有頂彼有身見戒禁  
取疑還執將來置欲界復次預流一來所起諸結  
順生下故猶復現起似異生業謂著雜絲塗飾香  
華受畜金銀珠玩寶物亦與男女同處一牀行非  
梵行名為似異生業復次五順上分結謂色貪無  
色貪掉舉慢無明惟不還者所起諸結順上分故  
離字函  
第九卷○法數云十使一貪二瞋三癡四慢五疑  
六身見七邊見八見取九禁戒取十邪見如是十  
使能遍三界之中分於四諦之下變成九十八使  
攝入見諦思惟二門見諦惑八十八使發果苦  
諦下具

有十使集諦下。戒取道諦下有八使。除身見邊見共三十二使。○色界苦諦下有九使。除身見邊見。及身見邊見。戒取道諦下有七使。除身見邊見。及身見邊見。共二十八使。○無色界四諦下。皆如思惟。感色界除亦共二十八使。○使部計有八十八使。○十使。修道斷乃至阿那含果。九品方盡。○色界三使。貪痴慢。此三使。並是阿羅漢向。用脩道智斷。○無色界三使。貪癡慢。此三使。惟三果合。有十使。并見諦合。為九十八使。但此使亦是羅漢向。斷至果方盡。

○六欲且非定修地。○八智可除煩惱根。婆沙論云。欲界是不定界。非修地。非離欲地。色無色界是定地。修地。離欲地。不可以緣不定界智斷。定界結。○又問云。何八智謂法智比智他心智等。

智苦智集智滅智道智。復次法智猛利。不多用功。能斷不善無記煩惱。譬如利刀能斷於鐵。何況草木。彼亦如是。比智非利多。用功力。乃能斷無記煩惱。何能斷不善煩惱。譬如鈍刀。雖多用功。能斷草木。何能斷鐵耶。隱字函第1卷○大婆沙問云。何為智答。五識相應慧有三種。一善。二染。三無覆無記善者。謂惟生得善。染污者。謂惟修所斷貪瞋癡相應無覆無記者。謂異熟生意識相應善。有二種。一有漏。二無漏。有漏有三種。一加行得。二雖染得。三生得。加行得者。謂聞思修聞所成慧。謂於文義如理決



擇思所成慧謂不淨觀持息念及念住等修所成

慧謂煖頂忍世第一法現觀邊世俗智以出俗智為自性故

無量解脫勝處等離染得者謂淨慮無量無色解

脫勝處等生得者謂生彼地法爾所得善無漏有

二種一學二無學學謂學八智無學謂盡智諸煩惱盡

故名無生智我已知若不應更知乃至我已○顯

兩第五卷

○初果七生方羅漢○復劫八萬入菩提

婆沙論云須陀洹初入聖流故名為預流唯受七

天上人中須陀洹含名為一來唯斷欲界修成六品

一度來生阿那含名為不還雖斷欲界九品惑盡

深中受阿羅漢有四義一者應供二者殺賊三者

生發果毗曇心論二乘聖人所斷煩

惱分別九種下品三種下下中下上上品三種

中下中中中上上品三種上下上都字函

○涅槃經云須陀洹果經八萬劫得阿耨菩提心

須陀舍果經六萬劫阿那含果經四萬劫阿羅漢

果經二萬劫辟支佛道經十千劫得阿耨菩提心

勝字函第二卷

○良為衆生根器異○所以如來廣略談

毗婆沙論中問如阿毗曇說斷八十八使名須陀  
洹以何等故說若斷三結名須陀洹答曰爲受化  
者智有深淺說對治法譬如醫師觀病投藥亦不  
少投其病不愈若多投者唐指其功佛亦如是爲  
利根者說斷三結爲鈍根者說斷八十八使名須  
陀洹如跋耆子於佛法中出家制二百五十戒生  
憂慮心而白佛言我今不堪守護諸戒佛言汝能  
善學三戒耶謂戒心慧彼人歡喜答言我能學此  
三戒次第能學一切諸戒若如來說斷見道所斷  
八十八使名須陀洹則受化者心生憂慮何能拔

此八十八煩惱之樹度八十八煩惱大河竭八十  
八煩惱大海摧八十八煩惱之山修此八十八對  
治之道若說斷三結名須陀洹此受化者喜以爲  
易若斷三結則斷見道一切諸使所以者何此三  
結謂身見戒取疑身見是六十二見諸煩惱之根  
本戒取是種種邪苦之行疑是猶豫不了

藏字函  
第六卷

○四靜慮并四無量○八解脫并八勝處

大乘相論下云四靜慮者離生喜樂名初靜慮定  
生真樂名第二靜慮離喜妙樂名第三靜慮捨念  
清淨名第四靜慮如是等四皆寂止相欲界等貪

心不流動是名靜慮。魏字函○禪法要解經云佛法微妙未得修定智慧云何籌量諸法實相是以離欲惡不善法除捨五蓋集諸善法深入一心有覺有觀離生喜樂入初禪問曰得初禪相云何答曰先以正念呵止五欲得未到地身心快樂證初禪相轉復增勝身輕心定曛處不曛喜處不喜世間八法所不能動至於衣服飲食等心不貪著但以諸善功德為貴得初禪已進求二禪 若有漏道於二禪地邊狀患覺觀如欲界五欲五蓋令心散亂初禪覺觀惱亂定心亦復如是若無漏道離

初禪欲即用無漏初禪呵責覺觀問曰如初禪結使亦能亂心何故但說覺觀答曰覺觀滅結使亦滅復次本未曾得覺觀大喜以大喜故壞破定心以破定故應當除捨內得清淨無覺無觀定生喜樂入於二禪問曰云何是二禪相答曰經中說言滅諸覺觀若善若無記以無覺觀動故內心清淨如水澄清無有風波星月諸像悉皆照見定生喜樂妙勝初禪初禪喜樂從離欲生此中喜樂從初禪定生如是二禪定有煩惱覆心所謂愛慢邪見疑等壞破定心當求斷滅以進三禪問曰若爾者

佛何以說離喜行捨得入三禪答曰得二禪大喜  
喜心過差心變著喜生諸結使以是喜故爲煩惱  
本問曰五欲不淨則應當捨是喜淨妙衆生所樂  
云何言捨答曰先已曾答生著因緣則是罪門喜  
爲鹿樂今欲捨鹿而求細樂故言離喜更入深定  
以求妙樂 云何第三禪樂世間最樂無有過者  
此三禪中有其三過一者心轉細沒二者心大發  
動三者心生迷悶常應一心念此三過若心沒時  
以精進智慧力還令心起若人發動則應攝心若  
心迷悶應念佛法微妙還令心喜常當守護治此

三心是名巧念慧行樂入第三禪鹿者爲喜根細  
者爲樂根譬如極熱得清冷水持洗手面是名爲  
喜入清涼池舉身沐浴是名受樂既得三禪之樂  
一心守護常恐退失則爲是惱是故樂復爲患當  
求離樂譬如人求富貴之樂求時既苦得之無狀  
則復爲苦得已守護亦復爲苦行者患樂亦復如  
是求初禪樂以覺觀惱亂故捨二禪大喜動故捨  
三禪知樂無常難守故捨以是故當捨此樂求於  
四禪安隱之地問曰依禪定樂捨於欲樂今依何  
等而捨禪樂若捨禪樂得何利益答曰依涅槃樂

能捨禪樂而得三利所謂羅漢辟支佛佛道是故  
捨三禪定行於四禪安隱快樂以三乘道隨意而  
入清淨涅槃 問曰云何第四禪相答曰如佛說  
四禪相若斷樂斷苦無憂無喜不苦不樂護念清  
淨入第四禪以滅憂苦喜樂四事故念清淨問曰  
上三禪中不說清淨此何獨說答曰初禪覺觀未  
定二禪喜大發動三禪樂心多亂並皆念不清淨  
復次下地雖有定心出入息故令心難攝四禪念  
清淨故無出入息故心則易攝復次第四禪名為  
真禪餘三禪者方便階梯是四禪相譬如善御良

馬隨意所至欲行四無量心四無色定等隨意皆

得欲得六通求之亦易 圖爾字 ○顯宗論九地謂

四淨慮未至中間及三無色 際字爾 ○婆沙論淨

慮地未至及淨慮中間此二俱名未至地問曰此

地何故名未至耶答未入根本能現在前斷諸煩

惱故名未至 第十卷 ○智度論云入初禪是名有

覺有觀初禪二禪中間是名無覺有觀從二禪乃

至非有想非無想定是名無覺無觀 立字爾 ○問

曰覺觀有何差別答曰鹿心相名覺細心相名觀

初緣心中發相名覺後分別籌量好醜名觀 建內

○婆沙論云惟欲界及初淨慮未至定中有尋有伺淨慮中間無尋唯伺第二淨慮乃至有頂無尋無伺退字函十卷○法蘊足論云尋謂尋求離欲惡不善法伺謂伺察離欲惡不善法問尋與伺有何差別答曰心麁是尋心細是伺此復如何如打鐘時麁聲喻尋細聲喻伺弟字函七卷○尋伺與覺觀禪定與淨慮皆名異而義同○般若經云四無量者依諸淨慮復能引發慈悲喜捨四種無量滿字函六卷○大集法門經上云佛說若有苾芻發起慈心徧於十方一切世界一切種類廣大行慈而無邊際名慈無量悲喜捨三亦復

如是且字函○智度論云大慈與一切衆生樂大悲拔一切衆生苦問曰如何是小慈小悲答曰四無量心中慈悲名爲小十八不共法次第說大慈悲名爲大復次諸佛心中慈悲爲大餘人心中爲小問曰菩薩何言大慈大悲答曰菩薩大慈於佛爲小於二乘爲大此是假名爲大復次小慈但心念與衆生樂實無樂事心憫其苦不能令脫大慈者念樂與樂大悲者憫苦脫苦健字函第七卷○般若經云八解脫者謂有色觀諸色是第一解脫內無色想觀外諸色是第二解脫淨勝解身作證是第三

解脫超一切色想滅有對想不思惟種種想入無邊空處定具足住是第四解脫超一切空無邊處入無邊識處定具足住是第五解脫超一切識無邊處入無少所有處定具足住是第六解脫超一切無所有處入非想非非想處定具足住是第七解脫超一切非想非非想處入滅想受定具足住是第八解脫出濁九卷。婆沙論問解脫是何義答曰背棄義問曰若背棄是解脫義者何處解脫背何處心答曰初脫脫第二解脫背弃色愛心第三解脫背棄不淨心空處解脫背弃下地法乃至非想

非非想處解脫非背棄下地法滅受想解脫背弃

一切有緣心

慈字四六卷

○法集經云八勝處者有色

見色知彼色中得自在見是名初勝處內身有色相見外色好醜知彼色中得自在見是名第二勝處內身有色相見外色無量若好若醜知彼色中得自在見是名第三勝處內身有色相見外色少若好若醜知彼色中得自在見是名第四勝處內身有色相見外色青譬如優摩歌華青色青光知彼色中得自在見是名第五勝處內身有色相見外色黃譬如伽尼歌羅華黃色黃光如彼色中得

自在見是名第六勝處內身有色相見外色赤譬  
如勝頭視婆華赤色赤光知彼色中得自在見是  
名第七勝處內身有色相見外色白譬如優沙私  
多羅華白色白光如彼色中得自在見是名第八  
勝處夢函二卷

○第九次第非想定。滅盡及從無想修

般若云九次第定謂四靜慮四無色定滅想定

出字函第九卷 ○宗鏡問住滅定者於八識中滅何等識

答滅六識以第八識持身契經說住滅定者身語  
心行無不皆滅而壽不滅亦不離煖根無變壞識

不離身若全無識應如瓦鑠豈得說為住滅定者

駕字函第十卷 ○大毗婆沙論云無記心者其性羸劣腐

敗萎歇要住強執堅勝之心方能修故在無想定  
滅盡定者謂彼無心要有心者方能修故生無想  
者有說生彼於一切時善心不起有說雖起而非

修所依以不能修未來法故動字函第九卷

○為甚一禪分四種。由生異見許多般

宗鏡云禪有四種一作異計忻上歇下而修者是  
外道禪二信正因果亦以忻歇而修者是九夫禪  
三了生空理證偏之道而修者是小乘禪四達人



法二空而修者是大乘禪

留字函 第九卷

○坐禪念起魔乘隙○斫柱看來體自傷

宗鏡云心靈萬變或坐禪或在定魔境千差茫然不識昔有禪師在山間坐見一孝子擊一死尸來向師前哭云何故殺我阿母師知是魔境便於柱上取斧一斫孝子走去後覺股上濕乃看見血不期自斫○又有禪師坐時見一猪來即把猪鼻一拽叫把火來乃見把自鼻孔斯乃正坐禪時心中起見遂感外魔來入但修正定何有魔事留字函 第九卷

○羅漢無生猶有退○醯迦七反自殘傷

婆沙論云阿羅漢有六種一退法二憶法三護法四等住五能進六不動然退法者退憶法者心生厭憶持刀而欲自害護法者於已解脫心生愛樂善能守護等住者不退不進能進者進至不動不動者住本根不動故規字函 第七卷○云何阿羅漢有九種答曰退法阿羅漢成就二種根下下中憶法成就上下根護法成就中下根等住成就中中中能進成就中上根不動成就上下根辟支成就上中根佛成就上上根○復次佛說瞿醯迦阿羅漢六返退耶厭患退故以刀自害而死第八卷

○凡夫致罪刑猶重。○聖種同愆責且輕

婆沙云如二人犯王法一是九庶便致重刑一是

王子但遭訶責如是異生及預流者俱作惡業而

諸異生非聖種故所造惡業招惡趣苦一劫預流

是聖種故惡業但招人天輕苦易字肉第五卷

○止觀明於生滅相。○三摩元是等持心

起信論止觀二門止者謂止一切境界相隨順奢

摩他觀境性一觀者謂分別因緣生滅相隨順毗婆

舍那觀如實觀察諸法自性。○宗鏡問如何行於

止觀得契真修但了能觀之心所觀之境各各性

離即妄心自息此名為止常作此觀不失其照故

名為觀斯則即止即觀即觀即止無能所觀是名

止觀如先德云法性寂然名止寂而常照名觀非

能所觀有其二事修字肉第十卷。般若音釋云三摩地

門亦云三昧此云等持謂等正持心也亦云正定

收字肉

○入聖已離五恐怖。○修心能伏四魔怨

婆沙云四果聖人已離五恐怖一不活怖尚不愛身何况

財資二惡名怖不於他所希求供養三大眾怖世間

無與等者何况有勝四死怖遠離我見五惡道怖自知死已

諸佛 ○ 正文仁字雨第八卷 ○ 淨印法門經云以  
菩薩 ○ 住出華嚴三十四卷

無所為心即能降諸魔當知有四一者蘊魔二者  
煩惱魔三者死魔四者天魔若或伺察無生無起  
之法能降死魔俱時依止一切意法趣向滅道能  
降天魔 復次知若能降蘊魔斷集能降煩惱之  
魔證滅降死魔修道能降天魔 密字附  
○ 儻知入流無所入 ○ 便薦一來無所來  
金剛經佛告須菩提於意云何須陀洹能作是念  
我得須陀洹果不須菩提言不也世尊何以故須  
陀洹名為入流而無所入不入色聲香味觸法是

名須陀洹須菩提於意云何斯陀舍能作是念我  
得斯陀舍果不須菩提言不也世尊何以故斯陀  
舍名一往來而實無往來是名斯陀舍須菩提於  
意云何阿那舍能作是念我得阿那舍果不須菩  
提言不也世尊何以故阿那舍名為不來而實無  
不來是故名阿那舍須菩提於意云何阿羅漢能  
作是念我得阿羅漢道不須菩提言不也世尊何  
以故實無有法名阿羅漢世尊若阿羅漢作是念  
我得阿羅漢道即為著我人衆生壽者

緣覺品第四十五 五則

經世

五

直能自悟甚深法。不從他從獨覺乘

華嚴經云上品十善修治清淨不從他教自覺悟  
故大悲方便不具足故解了甚深因緣法故成獨  
覺乘變字函。婆沙論問曰辟支佛復云何答曰  
辟支佛獨出世者當知如佛如渴伽獸獨生一角

彼亦如是分字函。辟支佛即獨

然云。無明生故諸緣生。無明滅故諸緣滅

般若經云十二緣起無明緣行行緣識識緣名色  
名色緣六處六處緣觸觸緣受受緣愛愛緣取取  
緣有有緣生生緣老死復以無所得為方便思惟

無明滅故行滅行滅故識滅識滅故名色滅名色

滅故六處滅六處滅故觸滅觸滅故受滅受滅故

愛滅愛滅故取滅取滅故有滅有滅故生滅生滅

故死滅為字函。婆沙論云時分緣起謂十二位

立十二支一一支中各具五蘊於可愛境由無知

故起貪著時此中無知即是無明有貪著者是行

了別境者是識識俱諸蘊是名色名色所依諸根

是六處六處和合是觸能領觸者是受欣所受者

愛愛增廣是取引後有業是有諸蘊起是生諸蘊

熟變是老諸蘊滅壞是死內熱是愁哀泣是悲五

識相應不平等受是苦意識相應不平等受是憂

心惟是惱

次字函  
第三卷

○觀彼草木榮還枯○悟自形骸亦復爾

婆沙論問曰有生滅觀彼以何為方便耶答曰彼行者見春時草木青色如紺瑠璃見河駛流浮沫著岸作是思惟此諸外法今已復生若入聚落見諸男女歌舞戲笑問之何爾答言此中生男生女復思內法今已復生後於秋時又見草木風霜凋零河水枯涸彼復思惟如此外法今已復滅若入聚落見諸男女死亡啼哭內法亦滅行者見如此

相自觀已身壯老無常誰能免者

分字函  
第五卷

菩薩品第四十六  
二十六則

○自他兼利悲心重○福慧齊修菩薩乘

華嚴經云上品十善修治清淨心廣無量故具足悲愍故方便所攝故發生大願故不捨衆生故希求諸佛大智故淨治菩薩諸地故淨修一切諸度故成菩薩廣大行

變字函  
第五卷

○菩提一體成三種○菩薩初心勝二乘

破諸魔經上云佛告迦葉婆羅門菩提有三種謂聲聞菩提緣覺菩提無上菩提若人雖發菩提心

但樂自利以求解脫故名聲聞菩提又復有人雖發菩提心於大乘法不樂修習但起心念觀諸緣法隨所觀察而行故名緣覺菩提又復有人發心阿耨多羅三藐三菩提心已復勸他人發如是心於輪回身不生厭倦樂欲利樂一切衆生皆令解脫以已善利普施一切故名爲無上菩提微字由

○智度論問曰羅漢辟支是離欲人或有九夫尚未離欲但發心者云何得勝答曰發心菩薩有其二種一者行諸波羅密二者但密發心行菩薩道雖事未成能勝二乘何以故譬布衣太子雖未即位

勝諸大臣有位富貴者如一六通羅漢將一沙彌令負衣鉢沙彌念言當以佛乘於入涅槃師知其念即取衣鉢自擔遜彼前行沙彌後復思惟佛道甚難久住生死受無量苦且以小乘早入涅槃師復以鉢囊還沙彌擔令在後行沙彌白師師年老耄如小兒戲師即答言汝初發心作佛是心貴重位是我師是故推汝前行汝心還悔欲取小乘去我懸遠故令在後沙彌驚悟住大乘法表字函第八卷

○大小乘分五種異○廣狹道中有速遲

大乘莊嚴論釋云聲聞乘與大乘有五種相違一

發心異二教授異三方便異四住持異五時節異  
 聲聞乘若發心若教授若勤方便皆為自得涅槃  
 故住持亦少福智聚小時節亦少乃至三生得解  
 脫故大乘不爾發心教授勤方便皆為利他故住  
 持亦多福智聚大時節亦多經三祇劫故如是相  
 違不應以小乘行得大乘果事字函第一卷○婆沙云依  
 狹小道而得解脫名時解脫若極速第一生種善  
 根第二生令成熟第三生得解脫依廣大道而得  
 解脫名不持解脫若極遲聲聞乘經六十劫而得  
 解脫如舍利子獨覺乘經百劫而得解脫佛乘經

三祇劫而得解脫飾字函第一卷

○菩薩辨成如日耀○聲聞所作類螢光

般若經云滿慈子曰佛觀何義故讚諸菩薩所有  
 功德不讚聲聞佛告滿慈子曰輪與贖部洲人作  
 光明事螢能作不滿慈子曰不也佛言如汝所說  
 菩薩成辨如日輪光普照贖部諸有情類聲聞所  
 作如螢之光唯照自身於是菩薩調伏自身煩惱  
 亦度有情令離煩惱證入菩提聲聞乘人唯調自  
 身不能調伏諸有情故奈字函第二卷

○佛乘究竟唯此一○如來方便說為三

法華經偈云 十方佛土中唯有一乘法無二亦無三除佛方便說但以假名字引導於衆生說佛智慧故諸佛出於世唯此一事實餘二則非真字竹

函第 一卷

○莊嚴佛土有多方○譬入大城非一路

圓覺經云譬如大城外有四門隨方來者非止一路一切菩薩莊嚴佛國及成菩提非一方便

○同流同事與相親○入水入泥而啟悟

又云菩薩變化示現世間非愛為本但以慈悲令彼捨愛假諸貪欲而入生死 復欲菩薩唯以大

悲方便入諸世間開發未悟乃至示現種種形相逆順境界與其同事化令成佛

○四念住處四正斷○四如意足五種根

諸法無行經云何觀四念處觀身不淨是身念處觀樂皆苦是受念處觀心生滅是心念處觀壞和

合相但得法相是法念處常字函○般若經云四

正勤亦云正斷以無所得而為方便於諸未生惡不善

法為不生故於已生惡不善法為永斷故未生善

法為令生故已生善法令安住故生字函 四卷○般若

經云四如意足者謂欲三摩地勤三摩地心三摩



地觀三摩地一一地中斷行成就修習神足發三地

若即發定也斷行成就者中斷身依止厭取悉法

依止離性無著故依止滅滅諸法回向於捨至無依處○正字

兩第六卷注文○無盡意經云四如意分以慈悲

喜捨而為根本心調柔故得入初禪乃至四禪身

得輕輒成就如是身輕心柔入如意分入如意已

即生神通心得自在隨意所往如風行空無所罣

礙周字函○般若經云五根者謂信根精進根念

根定根慧根周字函

無盡意經云何信根行世正見信業業報消除疑

網故云何進根攝修是法故云何念根所修不忘

故云何定根修心不亂故云何慧根以慧照了故

周字函第一卷

○五力七覺八道支○總三十七菩提分

從四念處至此

般若經云五力者信力精進力念力定力慧力周字

函第六卷無盡意經云何信力如是信向魔不能壞故

進力精進堅固天人不能壞故念力住諸善法煩

惱不能壞故定力遠離憤鬧雖有所說不礙諸禪

不捨於定亦不隨定而能自在慧力知世間法出

世間法無有一法能壞是智世間外道苦行難行  
是菩薩為教化故亦悉現受同其所行是出世法  
能過世者周字函第一卷。婆沙論六問曰何緣此五名  
根名力答能生善法故名根能破惡法故名力有  
說不可傾動名根能摧服他名力靜字函第一卷。般若  
經云七覺支者謂念覺支擇法覺支精進覺支喜  
覺支輕安覺支定覺支捨覺支依離依無染依滅  
回向捨端字函第六卷。○無盡意經云念覺分觀一切法  
自性皆空擇法覺分能分別了義不了義進覺分  
勤修不退喜覺分所修法喜故除覺分除諸煩惱

故定覺分如所入定覺了諸法捨覺分不為世法  
所牽無著無身故周字函第一卷。○般若經云八聖道支  
者謂正見正思惟正語正業正命正精進正念正  
定端字函第六卷。○無盡意經云正見不起斷常見正思  
惟若思起於貪等是名不正思惟若思戒定智慧  
解脫解脫知見是正思惟正語九所演說不令煩  
惱故正業修順理業故正命威儀不動無諸新誦  
故正進入正諦聖道故正念進向涅槃繫心不忘  
故正定決定不亂故周字函第一卷。○婆沙論問何故此  
七名覺支耶答覺為究竟覺即盡無生智或如實

覺即無漏慧七為彼分故名為支擇法亦覺亦支  
餘六是支非覺。何故此八名為道支答所履通  
達故名為道八是彼分故名為支正見亦道亦支  
餘七是支非道辭字兩  
第一卷

○次第五位以圓修。由歷三祇之數劫

楞嚴云善男子欲愛乾枯根境不偶純是智慧乾  
有其慧名乾慧地欲習初乾未與如來法流水接  
即以此心流入圓妙妄想滅盡中道純真名信心  
住。計一信心真信明了二念心夙念無忘三  
精進心精明進趣四慧心智慧現前五定心寂妙

常疑六不退心明性深入七護法心保持不失八  
回向心回光向佛九戒心安住無為十願心所往  
隨願。計一發心住心精發輝二治地住履心如  
地三修行住遊履無礙四生貴住入如來種五方  
便具足住覺胤不缺六正心住心相如佛七不退  
住身心增長八童真住靈相具足九法王子住出  
為佛子十灌頂住灌頂受職。計一歡喜行具佛  
妙德二饒益行利益衆生三無瞋恨行利物無拒  
四無盡行通達十方五離癡亂行得無差誤六善  
現行異中現同七無著行塵刹不尋八尊重行皆

第一義九善法行圓佛軌則十真實行一真無爲  
○十四一救護一切衆生離衆生相回向度無所  
度二不壞回向壞其可壞三等一切佛回向覺齊  
佛覺四至一切處回向發明如地五無盡功德藏  
回向身土涉入六平等善根回向同於佛因七等  
觀一切衆生回向性同衆生八真如相回向不即  
不離九無縛解脫回向十方無礙十等法界無量  
回向性得圓成如是四十一心次加四種妙行謂  
煖地頂地忍地世第一地○十一一勸喜地達佛境界  
二離垢地同異性滅三發光地淨極明生四燄

慧地明極覺滿五難勝地同異不六現前地性  
淨明露七遠行地盡真如際八不動地一真如心  
九善慧地發真如用十法雲地慈陰妙雲復涅槃  
海如來逆流如是菩薩順行而至覺際交入名爲  
等覺從乾慧心至等覺已是覺始獲金剛心中初  
乾慧地如是重重單復十二方盡妙覺成無上道  
深字函○長慶住復訓重也五位中各具十又等  
第八卷○妙二覺爲二或單舉一位亦名十二或  
舉大數乃名重○唯識論五位者一資糧位謂修  
重此表無盡也大乘順解脫分二加行位謂修大乘順決擇分三  
通達位謂諸菩薩所住見道四修習位謂諸菩薩

所住修道五究竟位謂住無上菩提

則字函第九卷

○太

乘釋論三阿僧祇者於中信行人初僧祇滿已淨

心地通達真如六地已還證有相行七地無相有

功用行得第二僧祇滿若入八地得無功用行然

未成就彼無功用行九地十地滿無功用行是第

三僧祇劫敬字函第七卷

○餘乘至佛定三祇○圓教初心成正覺

長者論如三乘中十住菩薩學生空觀對治闡提

不信障十行菩薩作法空觀修自利利他行對治

聲聞自利障十回向菩薩作法空觀成起悲願力

垂形六道教化衆生對治獨覺有度障此三十心

菩薩謂之三賢名資糧加行位對治地前三種障

但除正使未除習氣十地菩薩斷其餘習初地菩

薩見自身真如佛性名見道位從二地至七地是

修道位猶有功用而修其行從八地至十地名究

竟位三對十一地等覺住中普賢行方終十二地

是妙覺佛果卷四十如是權教先行菩薩行學假真

如等觀地前伏忍十地以來猶有十真如障故為

觀當位真如成障所行之行並是有為所發菩提

心並未離生滅所有能斷分別無明由觀折伏十

地之位方能見性經三祇劫方始成佛卷第二舉勝  
鬘經云菩薩成佛定滿三祇也三卷十如圓教十住  
初首便即見性成正等覺行諸行相教化眾生即  
為覺行圓滿之佛一位即一切位一切位即一位  
故十信滿心即攝六位成正等覺依普賢法界帝  
網重重主伴具足故名圓教卷第三舉法華經龍女  
剎那成佛又華嚴經善財一生取果初從文殊發  
菩提心次第見德雲五十三知識一一皆云我已  
先發阿耨菩提心云何教我學菩薩道行菩薩行

卷第二

○雖則初心成正覺○宛爾依佛始相應

又論阿羅漢辟支佛及淨土菩薩空觀菩薩但忻  
出世行六波羅密揔是折伏現行無明使令不起  
不得名為永斷煩惱得成佛道一乘佛果初發心  
時便達根本無明是根本智成差別智大用法門  
初心之上圓滿諸佛共所乘門若智悲願行毫釐  
不似佛信心亦不成何況住佛所住為佛真子若  
智不異願行平等大悲不異境界不異過去未來  
劫與一念不異定慧照之可見是名依佛菩薩正  
善知識依根本智發心四卷十

〇十定超於十地上。〇等覺隣於妙覺尊。

華嚴經云佛告普賢為普眼等說十三昧。三昧在也昧者

定今得善入滿普賢行。〇一普光明三昧此菩薩

以三千大千世界為一蓮華坐此華上身中復現

三千大千世界其中有百億四天下。一一四天下

現百億身。一身入百億百億三千大千世界現

爾許菩薩修行乃至根性圓滿然所現身非一非

多入定出定無所錯亂。長者論此明身土重重相入遍周廣大無盡限故

〇二妙光明三昧此菩薩能入三千大千世界微

塵數三千大千世界於一一世界中復現三千大

千世界微塵數身乃至調伏三千大千世界微塵

數衆生種種穢淨不同菩薩悉知悉入是諸世界

亦悉來入菩薩之身無有雜亂亦不壞滅。此明自他境界

身心無尋〇三次第遍往諸佛國土神通三昧此菩薩

過於東方無數世界復過爾所世界微塵數世界

於彼世界中入此三昧或刹那入或一日入乃至

不可說劫入從三昧起於一切法不忘不失至於

究竟。此明以如幻智應物動寂依根本智恒無來往復此延促下餘三昧至文自明更不釋

〇四清淨深心行三昧此菩薩過阿僧祇世界諸

如來所一一以種種止妙香華諸莊嚴具而作供  
養勤求妙法然於諸佛出世涅槃終不分別。五  
知過去莊嚴藏三昧此菩薩知過去諸佛出現劫  
刹次第乃至調伏衆生壽命次第。六智光明藏  
三昧此菩薩能知未來一切劫中所有諸佛已未  
說法皆悉能知。七了知一切世界佛莊嚴三昧  
此菩薩能遍入十方世界見一切佛以至教化莊  
嚴悉皆盡見。八一切衆生差別身三昧此菩薩  
人身入夜叉身起夜叉身入龍身起乃至自身入  
佛身起刹那入三世起。九法界自在三昧此菩

薩於自身一一毛孔中入此三昧自然能知諸世  
間及諸世間法而作佛事得法界自在故。十無  
礙輪三昧此菩薩住無礙身語意業住無碍佛國  
土得無碍成就衆生智轉無碍清淨法輪作佛所  
作紹諸佛種

變字函四十一卷至  
育字函四十三卷

○何覓普賢身不見。良由普眼位差殊

華嚴經云普眼菩薩白佛普賢菩薩今何所在佛  
言普賢今現在此是時普眼求覓不見佛言普賢  
今此衆會親近我住初無移動如是普賢若有得  
見若得聞名思惟憶念皆獲利益爾時普眼與普



薩衆殷勤三請於是普賢即爲應身令菩薩衆皆見普賢近如來坐衆皆歡喜莫不頂禮變字函第十卷○長者論何故普眼不見普賢者爲明普眼十地菩薩皆是出世智慈普賢是十一地行門常在世間出世心亡寂用自在以出世三昧不相應故以是不見佛云現此衆會親近我住初無移動者爲明捨別同異普光明智與十方佛大用體同名爲衆會故以差別智不移根本智體名爲親近我住初無移動故普眼殷勤三請普賢如應現身者爲明智體無所住故若有想念即現應身猶如谷響但

有應物之音若求處所了不可得谷論六十七卷

○猶迷相數二般愚○未盡無明一分障

長者論一佛相隨好無盡二僧祇數量廣大佛乃自說菩薩智所不及謂之二愚六卷十卷○宗鏡云等覺未盡一分無明猶如微煙或云如隔羅縠二十卷

○前雖微障尚爲碍○此有金剛可破除

莊嚴論偈曰 修位二僧祇最後得受職入彼金剛定破諸分別盡釋曰修位二僧祇最後得受職者二僧祇謂第二第三僧祇最後謂究竟於此修位方得受職問受職已更何所作答入彼金剛定

破諸分別盡問因何義故名金剛定答分別隨眠  
此能破故以金剛喻事字函第七卷

○普賢何故不名佛。老漢安得便休心附摩訶薩

華嚴云普眼白普賢言此摩訶薩得如是法同諸  
如來何故不名佛不名十力不名一切智乃至何  
故修普賢行猶未休息普賢答言此摩訶薩已能  
修習去來今世一切菩薩種種行願入智覺界則  
名為佛於如來所修菩薩行無有休息說名菩薩  
如來諸力皆悉已入則名十力雖成十力行普賢  
行而無休息說名菩薩知一切法而能演說名一

切智雖能演說一切諸法於一一法善巧思惟未

嘗止息說名菩薩乃至此等分別皆悉求息是則

說名休息願者廣大修習圓滿未退則名未息普

賢願者育字函第三卷○智度論云何故名摩訶薩於必

定衆中為上首故名摩訶薩何等為必定衆者性

地人八人須陀洹斯陀舍阿那舍阿羅漢辟支佛

初發心菩薩乃至阿鞞跋致地菩薩是為必定衆

又摩訶薩秦言大立字函第五卷又薩埵秦言衆生

是衆生為無上道故發心修行名為大心以求菩

提未得故名為菩提薩埵形字函第三卷○此方好畧  
即名菩薩

○稽首文殊七佛師。○為我衆生不取道

附觀音  
勢至

昔起三昧經云佛言我今得佛皆文殊之恩本是我師過去無央數佛皆其弟子當來者亦是恩力所致文殊乃佛道中父母也爾時衆念文殊既在佛前何不成佛耶佛言文殊深入善權廣化衆生故未取道惟字函  
第四卷○寶積云文殊願我成佛之時以恒沙諸佛世界為一佛刹名為普見諸菩薩言文殊所得佛刹與彌陀佛刹等不世尊告言譬如有入折一毛為百分以一分於大海中取一滴水

喻彌陀佛刹莊嚴彼大海水喻普見佛刹莊嚴復

過於是

官字函  
第十卷

○菩薩受記經云德藏菩薩白佛

言觀世音得大勢二大士於何國土成等正覺佛

答阿彌陀佛正法滅後觀世音成等正覺號普光

功德山王如來彼佛國土號曰衆寶善集莊嚴般

涅槃後得大勢即於其國成等正覺號善住功德

寶王如來

改字函  
第十卷

大藏一覽集卷之七

大燕一漢魏承太子

賢任收冰解封歸

皇孫封於大魯學成其阿以壽五禮說春治臣

臣謝神在成來封歸國上與曰建寶善其孫

善其孫謝神五去孫謝神善其孫五禮說春治臣

善其孫謝神五去孫謝神善其孫五禮說春治臣

善其孫謝神五去孫謝神善其孫五禮說春治臣

善其孫謝神五去孫謝神善其孫五禮說春治臣

82700

有範來之

